

說
文
引
經
考

說文引經考序

六書之學漢代爲

於絕矣而經學之盛衰卽由此而分蓋經學從書學出雖一字之訓詁必有依據否則胸馳臆斷蔑棄前人流而不返與經愈戾漢時各經皆有今古文之別古文者當時謂之科斗書指體卽周之象形文字孔子書六經左邱明述春秋傳皆以古文方其初出於山巖屋壁諸大儒多能篤信而尊奉之雖其後數傳弟子終不敢廢其師說焉汝南許叔重敘次篆文合以古籀作說文解字十四篇其敘曰易孟氏書孔氏詩毛氏禮周官春秋

左氏皆古文也許又作五經異詁其於古文家師說併一一能道其詳是其所載於說文者必信而有徵明矣然則後之學者知經學必從書學出又必自說文之引經始乎顧或者疑焉謂唐貞觀中孔穎達等奉勅譌正詁易用王弼書用皇甫謐僞古文此其不合說文者自係二人之妄至毛氏詩之具存也其字又時與說文異意說文殆兼採今文者邪予曰否否唐元宗不好古文命學士衛包盡改古文以從俗不合者斥爲野書開成中鄭覃勘定石壁九經必依用之無疑是豈足以難說文哉夫說文一書誠經學之津梁也然而通其學者蓋

亦少矣。唐李陽冰好駁許氏，吾無取焉。南唐二徐學問不廣，多造空疎無據之談，抑亦未爲盡善。吳門程君東冶究心書學，又能篤志窮經，以所作說文引經考就正於余。余嘉其援據確，剖析精，殆真能上追漢世古文家學而爲許氏之功臣者與。遂爲序其端。丁未仲夏，西莊老史王鳴盛譔。時年六十有六。

說文引經考序

自秦燬滅經典齊魯太師各以所傳教授弟子而弟子
仰其師說一字之微必不肯雷同附和如陸氏經典釋
文所載往往彼此岐出至犁而爲數字者沿及魏周隋
唐之間字體益以乖離龐雜蓋莫知其所從來惟許叔
重在東漢與賈景伯鄭康成相後先親見孔氏真古文
所著說文引用經傳最爲近古可信是以其字與今所
行本或不同洪氏邁撫其尤異者數十條著於容齋隨
筆以示來學而鄱陽劉氏爆又集爲一編以附篆韻集
抄之後惜其書遺缺久矣吾友程君東冶以詞賦名吳

下生平私淑於惠徵君定字而以江君鍾濤爲執友故於小學尤精自說文下至玉篇廣韻靡不究其形聲尋其原委、就思旁、訊用求古人六書之旨、因取許氏所引經文與今本同異者、集爲一冊、使後學由是畧見古訓之遺、厥功詎不偉歟、考叔重說文、李陽冰刊定於前、徐氏兄弟校正於後、蓋已非叔重舊本矣、陽冰楚金工於書、未嘗湛深經義、而陽冰之剗擊、滋甚、意於叔重所引、不無芟削、刊落、後人因以不獲見古人之全、尤可歎也、然叔重之自敘也、稱書本孔氏、而司馬遷實問故於安國、安國從伏生受書、蓋距聖人不遠、乃史記引書、加以

柴誓爲肸誓以戡鬻爲伐者其異於叔重者又不可勝
紀豈是時倪寬都尉朝膠東庸生所傳已多不同歟東
伯疏通證明其故當更有以進予也乾隆丁酉冬至日
青浦王昶謹序

說文引經考序

家東治氏博聞好古於學無所不窺余宗之著才也而又與余同舉於鄉於是益相友善近以所著說文引經考示余余受而讀之曰此治經之津梁也夫讀書之難難在識字弗知其字弗通其義也杜少陵所謂讀書難字過是也作文之難亦難在識字弗知其字弗善其詞也韓昌黎所謂凡爲文詞宜畧識字是也說文之於字雖不能全不謬於古義而學有師傳許氏與鄭氏同時亦不能無齟齬然皆不類後人爲鑿空影響之談然則說經者舍康成叔重二氏欲望見古人門似蓋亦難矣

昔吾友戴東原語余云爾雅說文二書寶書也其異義處則互有得失如衛風深則厲說文厲作砾釋之曰履石渡水也而爾雅則曰以衣涉水繇帶以上爲厲此說文之得而爾雅之失也余曰論語不使勝食氣說文氣作旣釋之曰小食也引論語以證之蓋古文氣息字作氣加米則爲氣稟字與旣字相通然後世於氣字無不讀爲息者不有說文則論語食氣二字難通其義矣又孟子疾首蹙頰二字說文釋之曰鼻莖也蹙其鼻莖乃與疾首相貫是憂之形於面目者若作額頰之字與伸眉連文則可人有所思輒伸眉以蹙其額蹙額非憂之

容也凡此之類難遽數之以終其說而吾東冶則盡取其
其所引經之同異者裒爲一書有文同者有文異者有
文異而義同者亦有文異而義亦異者如禹貢浮於淮
泗達于荷說文爲荷澤字今禹貢作達于河雖達荷者
終亦達河然九州貢道相次省文若作達河實乖義例
爾雅四極西至汭國說文云西極之水也今爾雅作幽
風字字或爲邠邠地近安得云極耶由是言之說文所
載碎金片羽古義爛然治古文者得是書而讀之以論
列羣經文字之是非而考訂其得失夫豈復有迷於所
往者哉乾隆庚子元旦愚弟瑤田拜序

說文引經考

長洲程際盛東冶纂

敘例

獨體爲文、合體爲字、鄭夾漈言之、六書象形指事

按周禮疏

引曰文也會意諧聲轉注字也、假借者、文與字也、此許

氏所以旣曰說文、又曰解字也、古時字少、往往借用六

經中通作之字最多、而識字甚難、董彥遠謂孔安國以

隸古易科斗、故漢人不識古字、開元又廢漢隸、易以今

文、故唐人不識隸古、李陽冰於說文妄肆譏評、俗人信

之、不知古文也、蓋許氏師賈逵所引尚書、乃孔氏真古

文慎又學孝經孔氏古文說故敘云其傳易孟氏書孔

氏詩毛氏

按丁杰云毛氏係韓氏之誤

禮周官春秋左氏論語孝經

皆古文也且王伯厚謂開元中修五經文字我心慘慘
爲慄伐鼓淵淵爲籲皆宗說文與陸德明釋文異他如
人之陰氣有欲者爲情人之陽氣性善者爲性外得於
人內得於己爲德耶爲春門萬物已出亞爲秋門萬物
已入解經有出前儒意表說文一書何可忽哉顧其間
訓解異說古今異形以及俗刻淆亂有可以專宗說文
者有可以兼宗說文者有可以校正說文者憑臆塗改
失之僭妄承訛闕疑何以受教大方暇日因惠紅豆先

生校正說文本摘其與經書異同之句集為一冊顏曰

說文引經考以說文為主以經語注其下羣經次第略

依經典釋文而升孟子於爾雅前按鄭元謂爾雅者孔子門人作綴逸

周書於尚書後國語於左傳後老子道德經按老子之

景帝始莊子南華經屈原離騷經山海經咸載焉管窺所

及附注於經語下至說文未引而可以與經語旁通者

附錄如左當世學者匡不逮焉按漢書藝文志六書謂

借注假象形象事象意象聲轉

聖人之言自論語外載在六經說文中如一貫三為王

推米谷一為生牛羊之字以形舉也鳥昉呼也黍可為

卷之四 經字 義例

酒凡在人下故詰屈與之為言續也貉之為言惡也狗

叩也視犬之字如畫狗也皆引作孔子言諸經所不載

有輻曰輪無輻曰輜康成引之以注禮閭閻訓和說而

諍紺訓深青揚赤色十萬曰億按玉篇云今作億三女為姦朱

子引之以注詩與論語

書亦行有九德謂以九德扶掖其行也今人以亦為亦

然之亦而別作掖說文亦象人之兩臂明亦與掖通按

文作亦象文作掖說文兩存詩降此鞠訕毛傳云訕也爾雅釋言亦

訓訟說文訕說也按書故引唐本說文韓侯出祖出宿云訕訟也與毛傳合

于屠毛氏不言屠所在、潏水李氏以爲同州、鄠谷、說文有左馮翊、鄠陽亭同州、漢馮翊地也、儀禮賓爲苟、敬、鄭注苟且也、假也、說文艸部苟、艸也、苟部注自急救也、苟敬之苟、當訓自急救、于敬字義相比附、按鄭特牲三獻鄭注作賓爲苟敬、玉篇引論語侏六尺之孤、說文侏寄也、庀、古文宅字、今作託、說文於、古偃字、旌旗之游、於蹇之貌、古人名於字、子游、今作偃者、乃說文訓偃者也、此皆可以補經書之解、

易姤卦古文作遘、獨王弼本作姤、晉易多俗字、以此說文無遘字、有媾字、姤卽媾也、今姤徐注作新附、似重出、

書分兆三苗今作分北兆謂分別也說文兆古文剛也

按古文北字从二人別字重史記周公受禾東土魯天

子之命今書序魯作旅說文𦵏古文旅古文以爲魯衛

之魯按古旅字魯字皆作𦵏故旅字亦作魯秦和鐘曰

旅司馬夔秦舊文故也詩往近王舅近讀與近同古記作近故詩

誤爲近玉篇云近今作記今釋文唐石經皆作近此傳寫之誤又詩彼近之字从

俗爲記按禮表記引詩作彼記之子或爲其皆誤說文作近公羊傳

自鹿門至于爭門說文作淨淨魯北城門池也淨省作

爭後人讀爲靜不復知魯之爭門矣說文輪左傳作靈

陽貨載蔥靈有齒車也說文輒車耳反出也漢書作輶

皆从車以反番得聲讀爲藩應劭引此注漢書左傳以
藩載纍盈是也藩者車耳也見太元經故曰車耳反出說
文無拋字徐注爲新附案左傳通用標後漢書同拋財
產似方言起後漢不見先秦書說文無寰字故徐注爲
新附似縣卽寰也又縣字注云此本是縣挂之縣借爲
州縣之縣考詩有縣貍兮左氏傳室如縣磬史記殷紀
縣內爲林高祖記縣隔千里漢書元紀縣蠻夷邸門禮
樂志高張四縣師古曰此本古之懸字後人轉用爲州
縣字乃更加心以別之按釋名縣懸也古作寰廣韻縣
引說文云繫也相承借爲州縣字集韻寰通作縣汗簡

寔字注音縣者此寔爲古縣字無疑說文然字徐注今俗別作燃而以然爲虛字漢書燃字皆作難當从火難說文朋鵬皆古文鳳字莊子音義崔謨云鵬音鳳此皆古今字異而可以與經書互証

悉今作愛古作慇詩伊余來慇傳云慇息也玉篇亦訓慇爲息

俗僞爲鑿失之秦古握字淮南子詮言訓曰臺無所鑿謂之狂生高誘曰臺持也俗刻淮南子因誤爲持亦無高注高注見文選李善注最積也古聚字按史記殷紀大取樂戲於沙丘音聚才句反最犯而取也俗僞爲最字玉篇於一部遂去最字失之甚矣顛注作面色顛顛

貌類篇引說文云顛面色顛顛貌似顛誤刻爲顛說文敘尉律試八體漢藝文志謂太史試學童以六體試之

六體非漢興之法當从說文改六爲八此皆可援說文

以正諸書之誤

按藝文志又云八體六技韋昭曰八體

書五日摹印六日署書七日沒書八日隸書

說文臭犬白澤也詩鶴鳴于九

吳俗作臯失當作臭莫古暮字从日在艸中今作暮日

下又加日不成文矣𠄎从止在舟上不行而進謂之𠄎

俗作前又齊斷也从刀𠄎聲作𠄎周禮春官巾車木路

前樊鵠纓註前讀爲緇翦之翦似𠄎前同翦卽今剪字

五經文字作三同者亦誤但訓褻也袒褻之袒古作但

俗作祖弔問終也从人持弓會毆禽俗省人作弔非魏
高也魏同世俗以從山者爲魏不從山者爲魏非也其
實二字皆當从山蓋一字兩音耳溺古弱字注水自張
掖刪丹西至酒泉合黎餘波入于流沙作溺水休古溺
字方言出休爲拊此皆今字之訛亟當正之以上皆可
宗說文者也

說文姑字注百鰈左傳作伯僚第字注魏郡有第陽鄉
左傳戲陽後漢書作第陽第與戲同音蔡字注說文作
月尔尔正釋文引此作土夫按尔正芷夫王句蔡月尔
句釋文所引是許氏原文
似讀芷夫爲一句今本說文係後人據郭注而改者錢
大昭云說文蔡月爾也與釋州同陸氏釋文引作土夫

或陸氏本引爾雅二燭字注引呂氏春秋本味篇湯得句而傳寫者脫誤耳
伊尹燭以燿火、釁以犧豕、風俗通引呂覽劉昭注、後漢書下句皆作熏以萑葦、說文燿諸治玉石也、淮南子說林訓作礪諸、說文絰細布也、漢書作荃、南方篋布之屬、皆爲荃也、說文燿字注云、審燿、玉篇引之作室燿、說文蠖蠖離也、玉篇亦作蠖蠖、楊慎引說文作蠖胡、又云陸產、今說文無之、楊妄引也、按集韻蠖蠖虫名一曰蠖胡似猴楊說本此而說云說文此文字與諸書互異者

燿玉篇作燿、引書側燿、訓賤也、說文燿訓妙也、周官詔王燿是也、毛詩注直言曰言、答述曰語、鄭注周禮發端

日言答述曰語說文直言曰言論難曰語禮記八十九

十日耄按釋文或作入十日耄九十九日旄似曲禮脫曰

肅云八十日耄詩述者其耄毛云八十日耄左傳伯舅

耄老服虔曰七十日耄白虎通引禮八十日耄九十日

駟背先儒之說不同當以爾正說文為正爾雅釋言八

十為耄說文年八十曰耄九十曰耄周禮小宗伯云王

崩大肆以秬鬯泔杜子春讀為泔非飲也說文泔字注

飲也豮注豮豕也爾正注浴呼小豮豬為豮子似非豮

豕按易豮豕之牙虞翻曰劇豕稱韓非五蠹曰蒼頡之

作書也自環者謂之私背私謂之公說文引韓非背公

為公自營為公此解說與諸書互異而可以兼宗說文

者也

有謂說文非全書者、集韻華字注、載說文引詩、華華者

莪、李舟說、玉篇引說文、勳字注云、書其亢有勳、今本孔注尚書

亢作詩六月疏引說文云、隼、鷙鳥也、今說文皆無之、詩

詵詵兮、釋文云、詵、說文作𠂔、衆多也、今說文多辛兩部

皆無、𠂔字、爾雅釋文、蟹下引說文云、從蚰、今說文無蟹

蚰字、玉篇引說文云、塔、西域浮屠也、今徐注爲新附、廣

韻引說文云、荆、罰皐也、刑到也、初學記引說文云、刀、守

井也、飲水之人入井、陷於川、刃守之、割其情也、論衡四諱篇或

說以爲刑之字、井與刀也、厲刃井上、集韻引說文云、化

井刀相見、悉被刪也、但未注引說

古作𡵓

按詩四國是咷毛傳咷化也𡵓或古化字可參考

溫公類篇亦引之今

本說文皆無之又曹憲文字指歸引說文云尊字从酉寸酒官法度也今亦闕則說文不全明矣

有注說之可參者如易乃統天鄭注統本也公羊傳太一統也何注統始也說文統訓爲紀易繼之者善也虞翻注云繼統也說文繼訓爲續皆俗訓也貯字說文注積也字林云貯塵也塵訓久義甚古以積易塵此俗訓也婁字注云空也从母中女空之意本是屢空字漢書屢皆作婁顏注婁古屢字

按漢書宜紀婁蒙嘉瑞古屢字之類

經傳屢字

皆作婁後人加尸故說文無屢字徐注爲新附而訓爲

數是本何晏說然非古訓也。鐺字注徐鍇謂說文無劉字。今劉字注从水劉聲。劉字注从竹劉聲。有劉字見於經者。盤庚重我民無盡劉。周頌勝殷遏劉。成十三年傳。虔劉。又杙字下引爾雅文。亦有劉字。又按留以邑氏公羊說也。按急就篇注云劉氏之先與范氏同祖。士會自秦歸於晉。其族留秦不去者爲劉氏。又周之采地亦名劉。又見王風毛傳。則留卽劉。卯金刀之說見於識緯。劉本从亞。識緯却从卬。本不足據。玉篇鐺古劉字。徐又謂鐺字史傳所不見。疑此卽劉字。屈曲傳寫誤作田者。失之。大約劉與鐺自是重文。後人傳寫誤脫去耳。非許氏本無。

影部繫字注云衆籀文魅。鬼部魅字下以衆爲古文。

魅以東爲籀文魅似有誤異字注長踞也按玉篇異或作踞當作長跪也按說文踞長踞也踞訓督字注暨也古本云醢也按爾疋釋器內謂之醢李巡曰以肉作醬曰醢今作暨爲不讀周禮者所改也

說文未有翻切按徐序云說文之時未有徐鉉以孫愐翻切後人附益互有異同音切爲定其訛者如說古文以爲頗字以皮得聲讀若披古文假借說作頗音同故也說文注爲彼義切者失之能說文奴登切按西漢先秦之書未有能作奴登之音者伯葩亞切爲正說文注又作匹白切者後人加俗音也渴本竭字故訓盡也說文音苦葛切者失之

說文今本流傳繆訛如相時憊民見書盤庚引以為詩

山木不槎見國語山不槎斲引為春秋字之重出狷古

作猥徐注又載狷字作新附魑即足部跛字魑即手部

攜字蓋允部多古文因倉頡舊部故重出者多至若俗

刻之乖誤如是部造字注玉篇作造造誤刻迹造齒部

齟字注馬口中齟誤為糜言部謹字注謹錄也類篇引

之作謹錄按錢坫云錄類篇引作謹疑類篇之訛說文無錄字故不作謹廣雅錄謹也

謹也此誤刻錄芋部羌字注西戎牧羊人也牧誤刻為

从按書牧誓釋文引說文作牧李雕字注屍也一本作

屍也按尸部屍臙也屍解也又屍或从肉隹平字注爰禮說一本作又正

也。桶字注木器受六升。今作木方。柘字注爲栗二十斤。

斤字一本皆作升。錫字注細布。一本作細麻。按錫與錫通。燕禮云

鳳用綌若錫。注云今文錫爲錫。儀禮喪服傳云錫者何也。麻之有錫者也。卽此錫字當作細麻。且此錫字下又

有錫字。从蠨字注。蠨蠨細虫也。一本作蠨。化飛虫也。輶麻益可見。

字注兵高車加巢以望敵也。一作車高如巢。衍兵字。詭

加字。按春秋釋文引說文作輶云。兵劓字注民祭祀曰

厭。鰓一本祀作祝。祝作祝者是。按自道字下諸字大興此朱鈎翻刻本亦未校正。

皆坊刻之失。開卷卽知亦不可不拈出爲說文校正者

也。

法言曰古之學者耕且養三年通一經盛於蒼雅之學

未能研究許氏所傳說文又未得宋槧善本叅校不免
孤陋貽譏然晁以道晚年日課識十五字宋元憲寶翫
佩觿三篇讀書須是識字固有讀書而不識字者是編
所集正以識字也其所援引本諸惠氏者多非私說也
且說文所引經書皆唐宋以前之字非若薛季宣之書
古文訓字多不足據也讀經者取是編以覆對不必考
石經而識古字亦小學之一助云

後敘

字書自凡將訓纂無傳惟藉說文以考古呂忱字林補之李陽冰刊定之二徐校正之守其說者郭忠恕佩觿張有復古編趙撝謙六書本義柴廣進聲音文字通趙宦光說文長箋他如庾元威謂許慎穿鑿賈氏乃奏說文鄭漁仲六書略楊辛泉六書統戴合溪六書故問議其失近代方氏通雅古今釋疑二書中謂說文多偏複譌舛鄭康成與叔重同時卽已駁之按顧炎武亦議其誤處辨見大典朱筠說文序又謂許氏好言分別不知六書古文之原不過因漢時所習所考所增改者編之噫亦太甚矣顏之推嘗

言鄭元注書往往引說文爲證李吳巖又言李陽冰出私意詆訶許氏學者恨之賴二徐相與反正由舊陳氏謂玉篇本說文鄭樵亦謂六書證篇實本說文而作凡許氏是者從之非者違之顏篇集韻字訓悉本說文李燾又謂小學放絕久矣欲崇起之必以許氏爲宗雖尊之若經可也方氏又以說文引經粉米譖草諸文輒非本字然考經典釋文書粉米引說文作𦉰𦉰詩譖草引說文作𦉰會弁引說文作𦉰靜女其姝引說文作姁左傳姁夷引說文作姁如此者甚多容齋隨筆以說文引用經傳多與今文不同引書十數條以示學者陸德明

洪邁在唐宋時已兼采之而方氏訾之何也惟容齋以

獮有爪而不敢以獮

逸周書

惟緇有稽

呂刑維貌有稽

之句謂今

書所無豈亦未見呂刑與逸周書乎蓋經學盛於漢漢時去古未遠學問各有本原未可以今文之流傳遂以經傳古文爲非周禮典路鄭注引顧命綴路作贅路詩得此醜醜爲蟾蜍碩大且嬌爲重頤王伯厚謂皆韓詩之說論語涅而不緇楚辭及史記屈原傳竝作泥而不粹昌黎言凡爲文辭宜略識字其遠遊聯句開弓射鴈毆鴈毆卽古文尚書驩兜字

尚書大傳注

博採旁搜可

廣見聞如必泥漁仲論象形之惑以許慎猶不達六書

之義遂謂其牴牾處不一而足此猶見蜀之曰粵之雪
耳士生千載之下可妄議古人乎哉長洲程際盛東冶
誤

說文引經考目錄

周易

計一百十五條
內徐氏引四條

尙書

計一百九十九條
內徐氏引三條

逸周書

計十七條

詩經

計四百六十八條
內徐氏引四條

周禮

計一百八十四條

儀禮

計十八條

禮記

計七十八條
內徐氏引三條

左傳

計二百五十九條
內徐氏引六條

國語

計三十二條

公羊 計五條

穀梁 計二條

孝經 計五條

論語 計五十六條
內徐氏引二條

逸論語 計十九條

孟子 計十八條

爾雅 計一千零四條
內徐氏引一條

老子 計三條

莊子 計四條

楚詞 計十五條

山海經計九十二條

共計二千五百九十三條

說文引經考

長洲程際盛東台纂

周易

夕惕若厲

骨部

乾卦九三爻辭同

按厲當作寅

夕惕若寅

夕部

按說文兩引乾九三一作厲一作寅从寅爲正作厲者後人亂之又晁說之引說文作寅

亢龍有悔

心部

乾卦上九亢龍有悔

按汗簡亢古亢字九經字樣引易亦作亢

利者義之和也 刀部 乾卦文言同

易六爻 爻部 乾卦文言六爻發揮

坤 土部

按說文云易之卦也釋文坤本又作𡿨又大戴禮保
傳易之乾𡿨作𡿨又按六經正誤𡿨字三畫作六段
象小成坤卦今本作𡿨非𡿨乃扁旁川字也

龍戰于野 土部 坤卦上六爻辭同

臣弑其君 殺部 坤卦文言同

按釋文弑本或作殺漢書師古注殺俱讀曰弑

屯 巾部 屯卦

屯剛柔始交而難生 中部 屯卦彖傳同

乘馬驢如 馬部 屯卦六二屯如逋如乘馬班如

按繫傳云驢今作逋釋文班鄭作般

匪寇婚媾 女部 屯卦六二爻辭同賁卦六四爻辭同

按媾馬鄭本作葍釋文本或作構者非

泣涕漣如 心部 屯卦上六泣血漣如

按惠棟云漣本波瀾之字說文引作漣或古从立心篆書水心相近故誤爲漣又淮南子引此又作漣从省文又按詩泣涕漣漣亦同此字

再三瀆 黑部 蒙卦再三瀆

說文引經者
以往客

口部

蒙卦初六以往吝

按惠棟云走部遜字云行難也从辵聲易曰以往
遜古文也此引作吝後人所增又史書遜本吝字見
汗簡小顏云遜讀與吝同

以往遜

走部

需頤也

雨部

需卦彖傳需須也

雲上於天需

雨部

需卦象傳同

按李陽冰以雲上於天謂需當从天然諸書皆从而
无有从天者王肅作雲在天上歸藏易需卦之需作
𩇛

或錫之聲帶

革部

訟卦上九爻辭同

按聲王肅作槃

履虎尾號號

虎部

履卦九四履虎尾愬愬終吉

按釋文引說文作號號馬本同又震來號號荀作愬
愬呂覽引作愬愬高誘曰愬讀如號

包荒用馮河

川部

泰卦九二包荒用馮河

按包荒利馮河水廣曰沕水之廣者莫如河也詩曰
誰謂河廣釋文云包本又作苞荒本亦作荒鄭氏易
作苞荒

勿卹

目部

泰卦九三勿恤其孚又晉卦六五失得勿恤

又夬九二莫夜有戎勿恤又升彖辭勿恤有慶也

城復于隍

自部

泰卦上六城復于隍

按釋文子夏作塤姚作湟

殷薦之上帝

月部

豫卦彖傳同

按京作隱釋文本又作薦同本或作鴈獸名耳非

噬乾脰

肉部

噬嗑九四噬乾肺

按說文揚雄說脰从𠂔子夏荀董俱作脯

觀乎天文以察時變

元部

賁卦彖傳同

按釋文傳氏云賁古斑字

賁如皤如

白部

賁卦六四爻辭同

按釋文鄭陸作燔荀作波

不菑畬艸部无妄六二爻辭同

不菑畬田部

輿脫輶車部大畜九二輿說輶

按釋文畜本又作蓄輿本或作舉輶或作輻又小畜九三輿說輶釋文云本亦作輶

僮牛之告告部大畜六四童牛之牯

按釋文廣蒼作犗九家作告鄭本作牯晁氏謂牯鄭作角非也又按說文辛部云男有罪曰奴奴曰童人部僮未冠者也則童是奴僕僮爲幼少九經字樣僮

音同未冠也男有罪曰童今經典相承以爲僮僕字而童爲幼少矣又干祿字書童僮上童幼下僮僕古則反是今所不行史記樂書上使僮男僮女七十人俱歌通作童

君子節飲食

厄部

頤卦象傳君子以愼言語節飲食

虎視眈眈

目部

頤卦六四爻辭同

按漢張壽碑作覲覲又漢書敘傳六世眈眈其欲洩洩又韻會眈字从目从宀从耳者非

瀉水至

水部

坎象傳水洊至

按釋文坎本亦作埒京劉作飲洊京作臻干作荐

入于坎窞 穴部 坎卦初六爻辭同

禴既平 示部 坎卦九五坎不盈祗既平

按六經正誤祗既平从示从氏音支从衣从氏者音
低祗稠短衣也釋文祗京作禴又鄭作坻又史記韓
安國傳祗取辱耳祗作禴

畜牝牛吉 牛部 離卦同

按離鄭氏易作离

百穀艸木麗於土 艸部 離卦彖傳百穀草木麗乎土

按土王肅作地

日昃之離 日部 離卦九三日昃之離

按釋文吳王嗣宗本作仄徐鉉曰陌今別作吳非是
徐說誤又大戴禮小辨篇注日陌不遑作陌

玄如其來如 玄部 離卦九四突如其來如

按說文玄不順字忽出也从到子一作恣又繫傳作
突又流水行也从水充充突忽也水行衝突故流从
充李陽冰只知俗字焉知古文敢妄譏評俗人信之
而說文廢矣又按鄭氏易作恣

感動人心 心部 咸彖傳聖人感人

咸其脢 肉部 咸卦九五爻辭同

輔頰也 面部 咸卦上六咸其輔頰舌

按釋文輔虞作哺頰孟作俠

楷恒凶水部恒卦上六振恒凶

按楷桂砥古用本今以石當在下而反在上故象曰
楷恒在上大无功也俗作振恒殊不可解按釋文振
張作震鄭氏易亦作振

壯大也土部大壯彖傳大者壯也

明出地上晉日部晉卦象傳明出地上晉

按五經文字石經作晉孟喜作齊讀躋古文奇字作
晉釋文云本又作晉六經正誤晉古文从兩至字下
从日隸變作晉非从叩也叩音喧

有孚裕無咎

衣部

晉初六周孚裕无咎

拊馬壯吉

手部

明夷六三用拯馬壯吉

按釋文拯子夏作拊王弼作拯又方言拊拔也出水
爲拊字林云拊止舉音承又漢孔龔碑亦以拊爲拯
李登聲類又作永

拊馬

車部

明夷于南狩

大部

明夷九三爻辭同

按釋文狩本亦作守同又六五箕子之明夷蜀才本
箕作其劉向云今易箕子作蓼滋

其牛羝

角部

睽卦六三其牛掣

按釋文掣子夏作𦉑鄭作𦉑苟作𦉑說文作𦉑晁說之謂篆无𦉑字𦉑古文𦉑篆文𦉑今文繫傳𦉑字注引易作其牛𦉑今作𦉑按錢坫云徐鍇據爾雅疑𦉑爲皆踊不當云一角仰然子夏易傳虞翻易注皆與許慎同惟苟爽作𦉑乃與爾雅合鄭康成作𦉑劉瓛作𦉑而訓皆踊亦與爾雅合玉篇從說文廣韻從爾雅集韻類篇兩說並舉而無所左右當以爾雅爲正至王弼本𦉑字訓作滯隔卽說文𦉑字而訓引縱者與𦉑𦉑等字不相涉集韻及晁說之古周易合爲一字固非張有復古編駁之亦不必也徐鍇𦉑下引易

亦誤

天且劓

刀部

睽卦六三其人天且劓

按釋文劓王肅作𠂔

呂事遄往

彳部

損卦初九已事遄往

按釋文云已本亦作以虞作祀遄苟作顓

夬分決也

又部

夬卦彖傳夬決也

蹇趯行不進

彳部

夬卦九四姤卦九三其行次且

按釋文次本亦作趯或作趯且本亦作趯或作阻同

鄭氏易作趯

后施令以告四方

后部

姤卦象傳后以施命誥四方

按釋文薛云姤古文 遘鄭同詁鄭作詁王肅同

蹢躅 足部 姤卦初六羸豕孚蹢躅

按說文或曰蹢躅賈侍中說足垢也又釋文蹢一本
作躅古文作蹢躅本亦作蹢躅古文作蹢

有隕自天 自部 姤卦九五爻辭同

萃卦 心部 萃卦

剝升大吉 夬部 升卦初九允升大吉

按釋文升鄭本作昇又按剝升進也俗訓爲信不通
从夬从山土進之象

欒黶 出部 困上六于臲臲

欒黶 出部 困上六于臲臲

按薛作剗机釋文引說文艸作剗繫傳作剗黹多困于赤芾四字又繫字見鄭周禮注云是古文臬字又儀禮注以爲卽古文闌字今與黹連文爲不安假借也

井測寒泉食

水部

井九五爻辭同

鞶用黃牛之革

革部

革卦初九爻辭同

君子豹變其文斐也

文部

革象曰君子豹變其文蔚也

按文斐今作文蔚音相近繫傳未引釋文引說文作斐

飪

飪部

鼎卦彖傳以木巽火亨飪也

按釋文亨本又作亨同又按大有卦注古者亨通之
亨享獻之享烹飪之烹皆作亨字

玉鉉大吉也

鼎部

鼎上九鼎玉鉉大吉无不利

按金部鉉字注舉鼎具也易謂之鉉禮謂之鼐又按
繫傳未引

笑言啞啞

口部

震卦同

按釋文言亦作語

不喪匕鬯

鬯部

震卦同

雷震洊洊

水部

震象傳洊雷震

見其限

匕部

艮卦九三艮其限

按說文目匕爲𠂔匕目爲眞

士判羊 刀部 歸妹上六士判羊无血

豐其屋 一 部 豐卦上六豐其卦

旅瑣瑣 旅部 旅卦初六爻辭同

按釋文瑣或作瑣字者非也又惠氏棟朱子周易本義辨証曰瑣古音厓與災韻協說文𠂔讀若易旅瑣瑣是瑣有𠂔音也顧氏易音不及此蓋未之考

先庚三日 用部 巽卦九五爻辭同

繻有衣 糸部 既濟六四繻有衣袽

按釋文繻子夏作襦王虞同薛云古文作繻

需有衣絮 糸部

按周禮羅氏鄭司農注襦讀爲縐有衣袷之縐考工記弓人鄭司農注引作襦有衣絮釋文云說文袷作絮子夏作茹京作絮六經正誤引說文作絮絮作絮誤

五歲再閏 王部

易筮再扚而後掛 手部 繫辭五歲再閏故再扚而後掛

按釋文掛京作卦云再扚而後布卦又乾鑿度五歲再閏故再扚而後卦

天垂象見吉凶 示部 繫辭同

夫乾確然口部繫辭夫乾確然示人易矣

按康成易贊亦作確

虞義氏大部易作伏羲氏繫辭古者包犧氏之王天下

也

按周禮太卜注作宓戲又釋文包本又作庖孟京作
伏犧又作羲孟京俱作戲楚辭招魂伏戲駕辨作戲
春秋運斗樞伏羲女媧神農是三皇禮含文嘉作虞
戲尙書大傳說伏羲爲戲皇又史記封禪書虞義封
泰山趙世家宓戲神農教而不誅漢書郊祀志包羲
氏律歷志炮犧神農漢書百官表易敘宓羲神農音

伏字本作慮轉寫訛謬耳又顏氏家訓慮之與伏古
來通字末世傳寫誤以慮爲宐考說文犧字注云賈
侍中說此非古字秦詛楚文圭王義牲然則古犧字
止作羲又六經正誤犧作犧誤从牛从義从兮不从
秀也

慮義氏 立部

网庖犧所結繩以漁 网部 繫辭作結繩而爲罔罟以佃
以漁

按釋文罔罟本作爲罔罟佃本亦作田漁本亦作魚
又乾鑿度度時制宜作罔罟以畋以漁

神農女部繫辭神農氏作

黃帝女部繫辭黃帝堯舜氏作

剡木為舟剡木為楫以濟不通舟部繫辭剡木為舟剡

木為楫舟楫之利以濟不通

按釋文剡作挾剡作挾楫又作楫

犮牛乘馬牛部繫辭服牛乘馬

按左傳伯服史記作伯犮犮與服古字通後漢書皇

甫嵩傳卓謂嵩曰義真犮未乎注引說文犮古服字

重門擊柝木部繫辭重門擊柝

按此引易係後人所增古文易作櫟見下又按漢書

貨殖傳抱關擊柝作柝尙書大傳多士篇應門擊柝
又按釋文拆引說文作櫟古易音訓引晁氏曰今說
文又出此柝字非古本說文也今按五經文字柝櫟
並載而云上見易下見周禮豈未見說文櫟下引易
耶又鄭氏易作重門擊櫟以待競客

重門擊櫟

木部

掘地爲臼

臼部

繫辭同

上棟下宇

山部

繫辭同

古之葬者厚衣之以薪

薪部

繫辭同

後代聖人易之以書契

大部

繫辭後世聖人易之以書

契

按丁杰云後世世爲代似陽冰楚金輩所改鄭氏易作世

天地壹壹

壹部

繫辭天地絪縕

按釋文本又作氤氲張有復古編云壹从壺吉於悉切壹从壺凶於云切吉凶在壺中不得渫也別作氤氲又作絪縕並非

雜而不迭

走部

繫辭其稱名也雜而不越

闡幽

門部

繫辭微顯闡幽

參天兩地

兩部

說卦傳參天兩地而倚數

按釋天或作夫者倚蜀才作奇通兩石經作兩

燥萬物者莫暎于離

日部

說卦傳燥萬物者莫煖于火

按釋文煖徐作暎說文同繫傳作莫煖平火

兌說也

儿部

說卦傳同

爲馬足

馬部

說卦傳同

按釋文馬京作朱

爲昀類

日部

說卦傳爲的類

按釋文的說文作駟

爲駟類

馬部

駟類

火部

鄭卦爲長女爲風 目部 說卦傳巽爲木爲風爲長女

多白眼 目部 說卦傳爲多白眼

爲黔喙 黑部 說卦傳爲黔喙之屬

按黔水名說文水部溫水出犍爲涪南入黔水又釋

文黔鄭作黥又馬融本作黔

兌爲口爲巫 示部 說卦傳兌爲口又兌爲澤爲少女爲

巫爲口舌

賁飾也 貝部 序卦傳同

井法也 井部

按鄭氏易井居其所而遷注井法也鄭氏之言以本

易古注故許氏引之或是孟氏傳許鄭故並引之繫
傳錯綜內亦引刑從井井法也之句

地可觀者莫可觀於木

目部

按繫傳云今易無此文疑易緯有之王伯厚云疑易
傳及易緯

易卦巽木於下者爲鼎

鼎部

元者善之長也

一部

乾卦文言同

徐鍇引

按錯作繫傳所引經文甚多茲以附見說文者注於
後

王臣蹇蹇

足部

蹇卦六二爻辭同

徐鉉引

按蹇卦之蹇漢時皆作蹇說文蹇字下並未引易徐
鉉等注引之反以蹇爲俗又王逸楚辭注三國志魏
高堂隆傳作蹇蹇

窺其戶闐其無人

門部

豐卦上六窺其戶闐其无人

徐

鉉引

按窺當作闐又按鉉云窺小視也具大張目也義當
只用具字今按說文具訓犬視貌从犬目非大張目
也又釋文闐姚作闐孟作窺

兌爲巫爲口

儿部

說卦傳兌爲口爲巫

徐鉉引

黃晦本宗炎周易尋門餘論曰說文裏多益寡作培

多有疾憊作疾憊成天下之亶亶者作媿媿以成天
下日以暄之作烜之然黃氏書多謬誤不可據又按
鄭氏易大有九四明辯滯也謙卦捋多益寡咸卦上
六腴口說也恒卦九三不恒其德咸承之羞豐卦六
二豐其蔀九三豐其羣文多互異